

次子釋書

卷之六

卷之六

特別
八四
5587
4





元亭釋書卷第五

慧解二之四

濟北沙門

師鍊

遠壽院



睿山安海

興福寺主恩

睿山桓舜

禪林寺永觀

睿山寬印

睿山皇慶

醍醐寺延殷

觀勝寺木圓

三井宗範

延義法師

興福寺永緣

傳法院覺鉸

大谷寺源空

高野山明遍

笠置山貞慶

梅尾寺高辨

○釋安海學睿山興良尤精台教當對立義偶于  
 黑谷禪愉愉難海才潛如金龍寺千觀所語  
 曰安海豎義降之何如觀曰海學宏深待與  
 子議愉信宿觀告曰海之議論不可以台乘  
 屈也彼粗干密宗以悉曇章蓮華手種子字  
 義抵之可沮耳愉受其策而歸至期始出  
 台題辯鋒不可嬰也次出種子義海曰悉曇非

素也愉曰已号博涉蓋學乎海曰公之論柶  
 鑿也每海豎義其配以佞學軋之凡六度海  
 不伏曰直我道而已當時源信覺蓮為台門  
 兩輪海常曰慧心淺度揭厲可渡檀那深狹  
 不過踰跨信法師作二十七疑問宋之知禮  
 法師海見問目曰是等膚義豈須遠問乃作  
 上中下三答曰宋國答釋不出我三種而已  
 及禮答來海已死台徒曰禮之決釋多海之  
 中下義也海之徒便持宋答及海釋如墓讀

祭時人曰海骨放光

○釋主息居興福寺學相宗有義學名于時睿山寬印負俊才不屑南北學徒獨言天下只有主恩當我顧眄耳思以庵語忤朝旨在繁之博多寬印又竄東州印曰思恩西海印在東地日本宗乘已為四字

○釋桓彞學延曆寺慶圓有譽當時東園日助通救及舜世為睿山四傑彞甚窳浪遊且州說法溫泉神祠其夜夢神告曰師早還本山

必昇顯位舜如神言果為法性寺座主天喜五年九月十日化年八十彞少患貧乃詣山王神祠祈福經年無應又如縮荷神祠其求如山王第七之夜夢婦人莊麗開殿戶來彞前手持片紙長二寸餘排彞懷貼胸而歸彞見其紙有二字曰千石彞夢中大喜適大賓入來儀衛甚都向婦人又自殿出接客曰高駕難動尊儀何事對曰桓彞有祈諸婦人曰法施七日懇到甚矣妾不得已已足其意客

曰我爲舜來也。舜曩求我尤切，我豈不堪與  
舜哉。然不者，其又有說矣。媼縱惠舜，正須奪  
焉。婦人驚曰：妾不辨也。早酬懇祈，妾之過也。  
然彼人尚在，即趨舜所，剝胸紙而去。舜夢中  
以爲此客必山王明神也。我頃年精祈神，猶  
聲也。今卻妨佗乎。大怨焉。婦人自客曰：奚爲  
拒舜。對曰：舜師終此生當出陰界，若受富樂  
恐爲縛礙。故我令彼窮耳。舜覺後，歎山王云  
釋永觀姓源氏，投東大寺，有慶學三論兼聞。

諸宗晚歸洛東禪林，故居謝絕交往，偏慕安  
養，作七寶塔，安佛舍利二粒，乃誓曰：我若生  
清泰，舍利必增數，明年成倍。又於藥王院造  
丈六彌陀像，當淨業，嘗以南京衆選申官領  
東大寺務，雖司鈐鑄，不受寺供私畜齋糧，以  
爲日食。性慈仁，常往獄問飢寒，又多病氣力  
微弱，而修學不弛。嘗言病者善知識也。我因  
病苦，堅進修。天永二年秋，疾語徒曰：昔出尊  
八十涅槃，我今歲同壽，不踰年取滅足也。十

一月二日沐浴而念佛異香芬郁中夜頭北面西而寂紫雲垂房壁  
贊曰才與不才猶如驥駘矣驥也雖神駿人苦齧蹊焉若夫駑駘者妥帖如也然齧蹊者豈驥之罪哉亦在調御之熟粗而已海之輕二師思之出庵語也驥之齧蹊乎顧調御如何耳舜之患貧觀之辭榮道已同不相謀何哉

釋寬印事楞嚴院源信學業早成時宋人朱

仁聰在越之敦賀津信欲見聰拉印而往仁聰出接之壁間有畫像聰指曰是娑那婆演底守夜神也為資渡海厄所歸也師知此神乎信憶華嚴經中善財讚嘆偈以筆題像上曰見女清淨身相好超世間呼印曰子書次句印把筆寫曰如文殊師利亦如寶山王仁聰見之感嘆曰大藏者皆二師之腸胃也乃設二椅延之印後行頭陀法至丹州寺院側有大池里民結網尅日捕之印禁之不可印

夜到池畔振錫持念而去翌朝下網不得一  
鱗印每夜誦法華臨終時手執香爐向西念  
彌陀而寂

贊曰信印之二師者禦侮之才與彼仁聰雖  
嚮信之德義指夜神而為言也異域之人亦  
嘗此方之學徒也二師若不記殆貽邦之辱  
焉於是信寫前句印繼後語二師之強記亦  
快乎夫二師者台宗之徒也至他家者雖委  
宗趣文句不熟者學者之常也况雜華之浩

瀚乎見二師之博通聰之大藏腸胃之信不  
為過耳矣

性空

釋里慶姓橘氏黃門侍郎廣相之曾孫性空  
法師之姪也母孕時惡葷腥或食之應時嘔  
甫七歲登睿山近山下有柿樹絕不結子俗  
名其地曰不實柿兒到其處問此地何號人  
答以其名時餘樹有果兒白見今何有實乎  
至翠微有館亭降陟之人憇息焉故置藥湯  
而備渴乏俗呼為水飲兒又問之答者曰水

飲也。兒曰：何飲湯乎？上嶽頂小竹叢生，兒復問之，答曰：大嶽也。兒曰：何有小竹乎？嶽竹和語相近其幼敏機辯類此。從東塔院靜真學秘密宗。至護摩灌頂梵字悉曇莫不研究。昔慈覺大師以瑜伽法授長意，意授玄昭，昭授智淵，淵授明靜，靜授靜真。世以慶為慈覺七代家嗣。慶游鎮西，有景曇阿彌梨東寺密傳之魁也。就探焉，雲器之悉付秘奧，并授弘法大師寶瓶，以為傳契之信也。慶有入宋之志，共沙門

寂照上船時，鳩數千羽集于檣，逐之不起。船師曰：恐異人乘舡，乃下眾人，鳩尚不散。慶離船皆飛去。人及曰：八幡大神留慶也。國俗呼鳩為八幡使鳥慶夏於背振山有延慶者，顯密之英也。事慶為師，慶與般修法。慶誦驚發地神，偈印手按地，地大震。願誠般曰：慎勿語人。慶病頻，那夜迦天現形，手捧盃而曰：師疾篤，非酒難治。每朝願受一盃，不可局禁也。吾為護神，不暫離。天帝令我獻盃耳，其器大可半升。一



日於池上菴禮舍利舍利放光盈室詣四天  
王寺禮舍利本是三粒分為八粒薄暮童子  
來身體偉壯慶怪而問汝何人對曰多時侍  
書寫空上人會役偷上人上供我不耐忿以  
拳加頭其人即死上人怒厲驅我去故投師  
焉慶與飲食童拱曰願加印咒易受耳慶使  
童數百里外不半時復命或令滌衣憑虛暴  
乏不用杵竿靈異甚多一時諸役列坐戲謔  
以拳打輔車逐次相授巡至童童辭曰恐及

大故諸列強之童纔下拳吐血殆殞慶聞擯  
去童泣曰背振山地動者堅牢善女天出現  
之時也我親見之故感德來也今遭磨斥悲  
哉萬壽中在波州刺史章任祝朝令修十臂  
毗沙門法天子感靈夢賜僧官慶為法興院  
十禪師有同業覺運長慶者數十歲真病時  
啓曰師若不起令我依誰真曰少年慶汝之  
師也運蹤其言就稟密法竭禮敬長曆中有  
兩門之諍朝廷以慶之德望蓋一山寓譴於

慶慶曰宮事若急可省乙童時人以為慶之  
護法之言也永承四年七月二十六日滅壽  
七十三慶性好斗數奧域靈區莫不歷涉頃  
在波州夢山王明神曰何不歸本山便割其  
背出血三所因茲返睿山而寂其三血者表  
三派密傳也果門人長宴院專安慶各立門  
戶云

贊曰智證者弘法之姪也慶公又性空之姪  
也豈法種亦有胤與奚夫叔姪之相似而烜

赫也至山王明神指示血脉者曷寤寐之隔  
乎豈又慶之所得邪

共寂照入

釋延般姓橘氏但州人年十六上台嶺禮慈  
仁受戒從靜照學山家法長保二年拜照入  
宋殿共之赴西海朝廷有議留般惜偉器也  
後於景雲關梨處借皇慶受兩部密法寬仁  
未厭憤閑居多武峯三學該練居數歲明快  
法師誘歸本山又入大原山與覺季同房黃  
門侍郎源顯基投般落髮乃與源沙彌上楞

嚴院結茆同廬長曆二年春慈覺智證兩徒  
爭座主位殷厭之移住醍醐寺

○釋大圓居洛東觀勝寺縛小庵靜坐觀行諸  
徒在別房一時隣坊童兒被酒打狗狗悲吠  
甚圃之徒叱童童醉在益熾止拍狗擊坊戶  
戶扉皆壞諸徒詣圃訴曰此童兒狂戾乞聞  
官治之此度若恕而聽之後日不可測也圃  
曰子等在此學佛羞我訓之不逮也且我法  
以平等待有情一切含類自性清淨而無明

酒所醉煩惱鬼所亂狂醉不度我輩逢此宜  
發慈哀調訓彼暴然子等見是獯癡卻益眞  
忿不亦重狂醉乎子等豈不聞乎我門以六  
度之將攻六弊之賊施將亡慳賊戒將亡犯  
賊忍將亡恚賊進將亡懈賊禪將亡散賊智  
將亡癡賊子等任慈忍之將嗔怨之賊不擊  
而自潰豈外假世俗官法乎子等在此稱修  
學是等愚頑不堪共居也諸徒杜口而退後  
數日童主詣圃曰愚童狂醉撓師清衆我初

不知今日聞之乞聽指揮嚴加譴罰圍笑曰  
稚兒戲劇家之常耳我徒恚之漆我不德耳  
於見何患乎童主以圍為長者益加敬  
釋宗範薩州刺史又任之子也從三井永範  
習學有名承曆三年為大乘會講師四年取  
勝會講師凡官院講論範多豫焉故有博涉  
之譽一日異比丘來謁範問何許人對曰遙  
聞名德趨自遐陬屢抱小疑願賜解惑範唯  
唯適赴小食不父而歸異僧不見怪看外庭

片雲在門上雲中現金光鬚鬚見師子形諸  
徒驚望雲影已沒範以為文殊師利之應現  
也應德元年七月卒

与文殊  
誦義

釋延表止南京有講學譽一日天地院啓講  
肆七大寺皆會集義為講師時七寺眾皆學  
于義以故講場無詰義者俄有一老翁鬚髮  
皓如也出眾立三番論義其語巧敏眾人異  
之義一一答析翁曰三種論義一答已成一  
答未決一答不成然初果之位頗為佳耳我

是又殊也言已忽然不現凡義感文殊三面  
贊曰靖退者吾黨之美也般圓其庶幾乎辯  
乎圓之訓乎範義之感吉祥也慧乎進乎  
釋永緣姓藤氏吏部郎中永相之子也母遠  
州刺史江公資之女緣九歲喪父母携赴南  
京憇柩森于時興福慈善受維摩講師詔赴  
賀於洛都儀衛甚盛母語兒曰汝父已亡我  
寡不能字故將汝隸業于南寺安得如此僧  
都汝其勗乎然我已老又不能見矣言已撫

髮潛然已而師事一乘院賴真性甚聰穎習  
學日新應德元年稟維摩講詔時年三十七  
母歿而又矣遂赴賀於柩森忽念母昔訓感  
泣不進僕促行緣曰汝等不知昔我九齡伴  
母氏息此地先妣誨勵能成我也林木如舊  
昔人非我豈可堪乎宜乎遲遲吾行也僕隸  
皆反袂後勾當七大寺道福益賑乘輦入宮  
天眷優渥天治二年四月五日亡歲七十八  
贊曰下苗於沃壤西收可待矣若夫磽确尚

奚望哉緣公者緇田之沃壤乎然其母邁干  
孟母也矣何也纔一遷而已耳

手將門後院

釋覺錢姓平氏肥之前州人將門之屬胤也  
累代武略其父負勇名鄉黨敬畏錢見稚以  
爲我父天下之豪貴也一日官吏促租到家  
喧呼放戾父居屏處不出家有比丘兒問曰  
今何人乎辱我尊丈尊丈又盍似平時之勇  
壯哉比丘曰官吏課租汝父豈可忤乎兒曰  
誰爲之比丘曰刺史也凡州界無不聽刺史

之令者汝父亦刺史之有耳兒曰我始謂天  
下之貴人靡如我父猶有刺史乎比丘曰刺  
史不自貴承于宰臣宰臣不自貴承于天子  
天子者四海之至尊也汝之稚孩何父之謂  
哉兒良久曰有至尊之過天子者乎比丘曰  
有神道有天界人主者皆承制也兒曰有踰  
神天乎比丘曰有兒曰誰乎比丘曰佛也見  
曰有邁佛者乎比丘曰無過斯故曰無上世  
尊兒曰可得聞乎比丘曰佛有三身法報化

也其訓有三顯密也三身之中法身為寂也  
二訓之內密乘為奧也若夫三身二訓者非  
小兒之所宜聽矣兒曰世人有登佛位者乎  
比丘曰方今剃染之者皆彼徒也其間勤修  
精敏之者必得其位兒曰其人何在我就而  
尋求焉比丘曰紀州高野山者弘法大師定  
隱之地地彼有定尊阿闍梨粹干密學子其  
往焉自是志遊學會親知獲入京投仁和寺  
昔弘法誠其徒金剛乘者兼學相宗依之其

師先念鑿往興福寺從慧曉習唯識一夕夢  
貴婦人抱鑿居膝上摩頂曰汝雖大法器恨  
非我寺寶汝於佗山必恢密教而我又可擁  
護汝我是春日明神也保安二年回仁和稟  
密灌其夜場室有光香又隨覺獻僧正受三  
井秘密灌頂其餘密學支法無不研究鑿幼  
聞在耳便上高野親定尊益極秘奧鑿於高  
野建傳法院欲以幹事聞王庭先躊躇宮門  
初天仁上皇不豫私祈弘法大師上皇夢一

沙門自南方來，手執柳枝，灑香水，覺後病差。適眇宮門，見鍤儀狀，宛如夢僧。宣問從來，敬崇日熾。上皇捨莊田充學供，又上皇詔鍤入宮。先夢白蓮華生殿中，某所鍤應詔來，必坐蓮所。常常如此，因茲益渥。睿信鍤，因幹事將赴西別先詣稻荷神祠，持念加護。忽一女託曰：明神傳語上人，莫遠行，只早歸。紀別吉野河側，必得所求。果於吉野得石平莊契券。鍤一日往藤相國忠通第，相國下庭迎拜。鍤問

哀  
中也

故相國曰：弟子今夜夢大唐國慧果阿闍梨到此宅，今師至，恐後身乎。鍤曰：我自少年擔弘密乘，凡聖雖異，志趣惟同。如相國夢闍梨納愚衷乎。鍤在專寺入堂，一時真然。僧正弘法徒於院東北角現形，曰：吾詭子興專寺，盛密教於時。鍤徒聖順，親見之。鍤在密嚴院告弟子曰：狂狗入傳法院殿，汝其驅追，其徒奔至傳法院。果然，鍤始在高野也。永尋法師語曰：此山太師定後，廢圮相仍，祈親維範，明筭之。



輦補苴鑿漏不能復元今子器宇宏偉必任  
此責盍負負乎以故鑿勤興建傳法密嚴二  
宇跨越先矩雄博壯麗康治二年十二月十  
二日卒年四十九

贊曰廿言鑿營傳法新院羸干本寺寺徒嚙  
之覃鑿之入定欲擯之蓋嫉配始祖也鑿元  
持不動尊寺徒鼓噪入鑿房不見鑿只不動  
之二像在焉胥議曰其一像必鑿也百計攻  
治遂受狼狽今考鑿事無之豈其徒諱而不

書邪殊不知是鑿之奇事也惜乎鑿也能入  
佛界不能入魔界也然中世以來如鑿之比  
鮮矣可謂觀成闍梨乎哉

法然

釋源空姓漆氏作州稍崗人也父時國母秦  
氏父母無子祈佛神母夢吞剃刀覺語于夫  
夫曰汝其有身乎恐蕪染之人矣因而孕母  
不茹葷腥長承二年四月七日生頭圩而稜  
眼黃而光宗族異之至四五歲舉止動向西  
九歲父被寇害一家噪逃空自屏處偵之以

小弓矢射寇中其眉間寇者源長明寬治帝  
之衛曹也為其額瘡可證發遂隱而終身時  
呼空為小矢兒郡之菩提寺觀覺聞之乞為  
弟子性善習學覺嘆曰此器兒何可居草澤  
乎送與延曆寺源光光曰此童駿驥也非吾  
朽索之所羈也即投功德院皇圓剃落受戒  
時年十五三期之間通受台教又從黑谷睿  
空稟密乘及大乘律凡大藏經律論作宗章  
疏靡不檢閱空於教義有自得處欲質其所

蘊謁藏俊述唯識詣慶雅演雜華二師皆嘆  
踰於師承也因是俊贈供物雅寓章疏空自  
誌曰我讀書三遍其義自彰不勞苦而已又  
曰八宗之外涉佛心宗於九教相粗得幽致  
晚見信師往生要集乃棄所業倡淨土專念  
之宗承安四年出黑谷居洛東吉水盛說專  
修及圓頓菩薩大戒緇白靡然向風嘉應帝  
召入宮受戒藤相國兼實延問淨土之事空  
述選擇集呈之專修之徒取為秘要顯真靜

嚴明遍證真公胤皆緇林之翹楚也從空問  
專念之道空修法華三昧白象現道場又讀  
華嚴几案下有異小蛇其徒信空怖之捕去  
次日蛇又在焉又避之其夜蛇夢空曰我是  
華嚴之護神也莫畏也其後蛇猶蟠几下空  
又不怕經竟地不來矣皇太后於上西門院  
請空一七日說戒門屏上有一蛇七日之間  
屈盤不動每說時有側耳勢至散日而斃其  
頭裂爲二其中髮鬚似人形空謁藤相國干

月輪談話而出相國下庭拜背後語左右曰  
空公頭上現金圓光子等見乎對曰不見自  
此相國益加敬空念修久勤屢感勝相手筆  
自記曰建久九年正月一日修一七日念佛  
第二日水想觀成第七日地想觀中瑠璃地  
現二月一七修之間水想地想寶樹寶地宮  
殿等現正治二年二月之修地想等五觀隨  
意顯現元久三年正月四日彌陀觀自在大  
勢至三像現室中五日三像又見建永二年

春二月竄讚州居五稔空曰吾不因謫爭布  
專修之道於海覆乎亦我一化之幸也建曆  
元年詔追赴都城二年正月居大谷染疾其  
徒安彌陀像於床頭且爲臨終助標空曰此  
像外汝等有所見乎諸弟子曰無空曰我十  
餘年來荐視極樂界相及佛菩薩真身今又  
佛來也二十五日朝高唱佛號諸徒助和又  
而皆聲喧空獨不襄而至午時其後著傳持  
之慈覺僧伽梨頭北面西誦光明遍照偈而

寂年八十臘六十六空亡之前二三日紫雲  
降垂坊上

贊曰修多羅有一相一行二三昧專勤精修  
之謂也空公之倡專修於稱號也資干此乎  
夫多岐亡途元元皆是專修之言又孔躋矣  
然廢勝業斥佗宗雖贗徒之執弊恐空之訓  
有不盡乎蓋廢有二種自佗之異也自廢無  
咎他廢受殃昔者蒯通曰臣唯獨知韓信非  
知陛下也故置漢高之亭里克曰不有廢也

君何以興故受晉惠之誅澆季濫叨不啻專  
徒諸家末流漫漫競趨是以我剖二廢之別  
諗于後學

釋明遍藤給事通憲之季子也才氣貫諸哥  
給事死已十三年一家緇素欲相會修八講  
蓋國俗逢亡者十三廻之歲營追薦者十二  
支終而始迎先支而寓追慕也給事多子皆  
英特也緇林尤茂所謂靜賢澄憲勝覺覺憲  
及通也諸子相議以覺為啓白師充通散導

少納言  
信誠  
明遍

師於時遍鄉接紀州高野山蓋疾名緇之官  
榮也諸兄使使告事通對使者曰我已逃世  
隱約此地雖追孝不堪出也使者復命諸兄  
相語曰通才智被世我等不若也故胥議為  
散師也今言逃世之人不與法孝豈遁出之  
士忘孝思乎重使使者微詰促歸通又曰我  
非忘孝也只怕入諸兄之隊耳所以者何夫  
逃世者吾棄世世又棄吾然而衆人不齒是  
其逃之全者也而世棄我我不棄世者丐人

也我棄世世不棄我者今之諸名德也二者  
未為真趣也諸兄咸南北二都之高德也我  
廁其間効薄伎慣孤鳴已失隱約之素也又  
朝庭聞吾出召我我無地辭矣我非忘孝思  
也便以友慧智代法事入京諸兄相語曰通  
弟稚時議論屈我等我等今又受屈耳輦下  
相傳為真趣之美談焉臨亡之時祥瑞尤多  
論曰甚矣士之不耳道也苟耳於道通不發  
斯言矣諸哥又不服矣世復不為美談矣三

者咸弗耳道之愆也請揚推而陳之焉夫通  
及諸兄何為者乎皆緇徒也緇徒者何為者  
乎逃出之士也其逃世之標者秃其頭也緇  
其服也練若其居也多羅其器也豈非趣之  
標乎是以世貴其儀相以為福田故歸而事  
敬而饗王公之者寵以僧官祿以封戶皆  
福田也吾徒正當是時應以法相交而不移  
心矣然澆代人滴焉受茲渥遇換易本法不  
見我身之緇秃與搢紳相比並覲觐苟容搖

尾乞憐嗟乎吾道衰者尚矣是緇信之所以  
有遜言也通愚則我不遑誅矣已稟高譽曷  
例唐緇而容易發遁之言邪又父母者天也  
不受形已受即不可廢也孝子之於親也甚  
於水火矣通縱不緇而為巢許之行於此時  
不得一不出山也況我徒乎我佛設道也先  
立孝矣故修多羅曰孝順父母又夫吾門超  
卓之士父母之在也或有逃逸而迄命者然  
拒追修者未聞矣何也逸逃者反常而合道

也若夫追修者曷反之有通何為者乎始闡  
大逆乎蓋通絆於名而暗於道乎假令通聞  
諸兄請出山追薦而速歸者出入為有小體  
焉而釣高名怠孝思卻造語而言朝廷召  
我無地辭者皆賣名之言矣夫公私者事之  
差也今遍赴父追修者私事也奚假於公矯  
於朝乎通之昧於理也至於此矣蓋通不  
以道為標而以遜為標也故標其父以遜也  
標其君以遜也標其兄又以遜也標其世

人又以遜也痛乎為遜所覆而終不耳道乎  
夫真遜者與遜共忘矣若懷遜於心猶利之  
在心者又一遜利也隱人之為遜溺也譬如  
世人之為利溺矣若有所溺利之與遜同又  
人之心有移者必忘矣思天而忘地矣思東  
而忘西矣通思遜而忘孝然不忘者妄也世  
人造而妄者有之矣不知而妄者有之矣通  
者不知而妄者也為人子者孝思不可須臾  
離矣況於忘乎不可言遠近於其間矣又思

有厚薄其薄者忘之萌也今通心移於遜薄  
於孝豈不漸於忘乎君子防微通不知之而  
言不忘者不知之妄也今民間悖戾之者猶  
遭親喪痛哭深慟一朝而息是通而厚通而  
薄者也君子不然終身不忘若忘者非所謂  
周極之謂也又通筭父之忌自出山與諸兄  
營法事者是通之常也然迎忌受請而出已  
晚矣重造不遜詞而誣諸哥感世人通之責  
不怨矣吾故曰三者弗耳道之愆也矣



信誠  
孫貞憲  
子

釋東慶藤給事之孫尚書左丞貞憲之子也  
母夢高僧來宅自稱曰東慶言已入懷自是  
而孕母記而歲之菴染後奉書於母署曰貞  
慶母依之期慶以累世之比丘也投興福寺  
出家有才譽應最勝講詔慶居貧乏資借乘  
僕於人以故後於會官使催之逢干路相捉  
入宮會眾先坐堂上莊服嚴麗慶弊衣而至  
官僚緇伍皆匿笑慶謂正今釋子不率法儀  
只競浮誇我不可與此徒為等伍官講五日

猶患其久如也講已不還南京止山州竺置  
窟高名籍甚元曆上皇好楊柞遊能射鹿暮  
年悔懺營佛宇薦鹿福聞慶德望召為落慶  
導師慶徒步搢笏破笠在肩入宮以杖笠置  
階側便上殿陛意氣自若上皇以下貴其朴  
素既而登座詞辯婉暢因譬莊嚴交以鹿苑  
事君臣無不感嘆慶詣春日神祠群鹿皆折  
前足云  
蒼曰爵祿者世事也吾當蔑視焉然贗浮圖

動絆繫於此矣。今見慶師之憤激也，可謂烈士乎。

柘尾明惠

釋高辨，姓平氏，紀列在田郡人。父重國嘗爲嘉雁帝衛兵曹，二親各詣佛祠求子。母夢有人授柑子，其妹適並，枕卧覺而語之。妹曰：我又夢人與我大柑二顆，婦曰：我當得，便被奪姊之所夢，不徒耳。尋而有孕焉。承安三年正月生，形負端麗。甫四歲，重國戲以烏帽安頭，曰：如是美兒，安得早長成。加冠巾，登仕途時。

兒私念我慕僧儀，不覿官屬，若以容質拘之，不如毀膚。即自投庭下，傍人以為失腳，奔忙救抱。兒不果志，畜憤不霽，亦近火爐，欲以火箸熬其面，先試著左臂，熱痛不可忍也。即止而泣，稚孩勵操多類此。九歲，父母繼亡，離宅從高尾山上，覺讀俱舍頌，不旬日便能誦。一日與群兒遊戲，忽猛省曰：我父母不知生何處，若墮三塗，思彼劇苦，我何逞戲笑乎。若在天界，天眼無礙，定見於我生平，呵責今豈有

異熟憶二事吾何戲劇縱人不言我不愧哉  
爾來益勤所業十許歲早事游學聞密乘於  
尊實習雜華於景雅有尊印者善悉曇章附  
而學印屢煩微詰兒又有歉然之思一夕夢  
梵僧授深義覺而質于印皆印之未聞之者  
也印感怪焉年十三自念言諸佛因修不惜  
身命救鵠飼虎古規可式我已稍長豈憚苦  
行夜潛往屍陀林骨肉散零豺狼縱橫兒雖  
寒心忍而止宿徹曙無傷害又歸文殊師利

日持五字咒誓曰願依太聖加被得如實智  
救濟有情十六就上覺剃落於東大寺戒壇  
受具寺有聖詮者善賢首宗請益日新十九  
從興然阿闍梨真兩部密法自爾止北山梅  
尾盛唱賢首宗戶部尚書長房語曰弟子頃  
讀金師子章未明其旨願公加詮釋辯乃撰  
光顯抄二卷付之嘗曰我國慧學之者久而  
定修之人希矣以故學者闕證道之門焉是  
我之太患澆季之弊也便於北峯崑窟構一

宇禪宴思惟五門禪要達磨多羅禪經等以  
為心術又依華嚴宗義撰坐禪次第并入解  
脫義二卷常修佛眼明妃法一時初夜供已  
出堂外行道念誦忽見西方群猪行東其先  
者背負大星其數五光明爛然其夜甚黑因  
星光羣猪皆見或時佛眼重現其身又夢明  
妃告曰明日授汝般若理趣分翌日午供壇  
上有誦理趣之音其聲妙細供竟采筆記之  
忽忘經句瞑目氣指授又有誦聲其韵如先

又修不動法其場忽成花苑寶華彌敷奇香  
薰郁網幢幡鈴寶飾具足其寶鈴右遶辨身  
梵僧三十餘人手執香爐歌頌讚歎又修供  
之間呼侍者良詮曰一虫落桶裏汝早救之  
詮見堂外水桶果一蜂落浮又修法中告詮  
曰竹林中小鳥為鷹擊汝其濟之詮入篋果  
如言一日截耳供佛眼其血灑像壇及供器  
其色不變今尚在其夜夢沙門具梵相告曰  
三世諸佛身肉布施子其庶幾乎讀華嚴至

第二十五如來在他化自在天宮說十地法  
門之句天莊嚴相顯現目前舉眼瞻仰文殊  
大士乘金毛師子在空中長三尺許光明赫  
熾辨不耐感幸起立作禮辨病夢梵僧盛一  
杯羹與之覺後餘味在口即時疾愈梅尾者  
古練若之地廢圮久矣辨居此復院宇承元  
二年還紀別於內崎山創伽藍四年又歸梅  
尾寬喜四年正月十五日夜對彌勒像禪坐  
入觀傍人看之如無氣息於時尊像寶座左

角寶珠忽出香煙漸上如雲其像譬若在天  
雲中於是辨又口中放白光移刻出定告諸  
徒曰我期已近便宜臨終法儀十九朝廣說  
修學始卒竟右脇而卧又舉聲唱曰南無彌  
勒菩薩即寂爾閉目面有微笑身年六十喪  
歛之間容色不變奇韻弗竭

贊曰中世以來賢首之宗不振矣辨公以純  
誠之質立鑽仰之志故毗盧華藏之海迴倒  
瀾普賢毛孔之刹復侵疆見其稚操之激勵

宜乎中興之才器也也豫章從小有梁棟者辨之謂乎

元亨釋書卷第五

元亨釋書卷第六

淨禪三之一

濟北沙門

師鍊

撰

唐國義空

睿山覺阿

永平寺道元

長樂寺榮朝

松嶋寺法心

鷲峯覺心

宋國道隆

宋國普寧

淨妙寺了然

東大寺普門

南禪寺德儉

福

釋義空唐國人事監宮齊安國師室中推為  
上首初慧萼法師跨海覓法吾皇太后橘氏  
欽唐地之禪化委金幣於萼扣聘有道尊宿  
萼到杭州靈池院參干國師且通太后之幣  
國師感嘆納之萼曰我國信根純熟教法甚  
盛然寂上禪宗未有傳也願得師之一枝佛  
法為吾土宗門之根柢不亦宜乎國師令空  
充其請空便共萼泛海著大宰府萼先馳奏  
救迎空館于京師東寺之西院皇帝賚錫甚

溼太后創檀林寺居焉時時問道官僚得指  
受者及中散大夫藤公兄弟其選也萼再入  
支那乞蘇州開元寺沙門契无勒事刻琬琰  
題曰日本國首傳禪宗記附舶寄來故老傳  
曰碑峙于羅城門側門楹之倒也碑又碎見  
今在東寺講堂東南之隅  
贊曰予求碑刻而無矣乃如東寺親摸印之  
其碑破而存者四片大者徑二尺餘小者或  
不盈尺額之左右蟠龍偉如也雖頭角不完

麟甲燦然也。其文殘缺，句讀不成，而其字畫之存者亦甚鮮明。雖非妙筆，頗為楷正。予便印四片者，而歸上之下，之左之右之，百計剽閱，少可明也。世言楷后問密法於弘法，法盛稱之，后曰：更有法之邁之者乎？法曰：大唐有佛心宗，是達磨之所傳來也。熾行彼地，空海又雖少聞之，未暇究之耳。因茲后使革扣問靈池，今碑雖文句不成，斑斑或見焉。世之所傳不徒然也。昔六一居士有集古錄一千篇。

周秦之碑刻多，載之況隋唐乎？惜乎此方之好古之君子，今猶不見碑之全文乎？因修此書，見殘碑，予之贅詞不得不似跋尾耳矣。

釋覺阿，卅姓藤氏，幼上睿山，習學有聲。傍親文墨，善梵漢書，嘗聞商客稱宋地禪道之盛，奮然志遠游，遂以承安元年，共弟金慶踰溟達，干杭都，乃孝宗乾道七年也。時佛海遠禪師踞靈隱，道價高，輦下阿至其室，遠問我國風阿未通語，音便書曰：國主無姓氏，號金輪。



王一種系授未有移革僧無進納而講義高者賜度風俗和順奉佛歸僧然無禪法只講五宗經論風聞德義特詣函丈願傳心印以度迷津且如心佛及衆生是三無差別離相離言假言顯之禪師乞垂開示遠曰衆生虛妄見見佛見世界阿又書曰無明因何而有海便打阿即請遠陞座決疑明年秋游金陵抵長蘆江聞鼓聲忽然頓悟始知佛海垂手之旨趣返靈鷲述五偈呈所見其一曰求真

滅妄元非妙即妄明真都是錯堪笑靈山老古錘當陽拋下破木杓海印其所證阿辭海書偈贈行阿歸朝後安元之始附船使通信于海水晶數珠綵扇等二十事貯以寶函海喜而受之壬寅復通關書海已寂矣或曰嘉應帝聞阿禪行召問宗要阿橫一笛吹之應制時機未終君臣莫測惜哉化行不聞乎釋道先姓源氏京兆人紳纓之胤也始謁建仁明菴庵爲法器後乘商舶入宋地見天童

如淨禪師淨付以曹洞宗旨歸來闢法干城  
南深草平副帥時賴招以名藍不就乃如越  
州構精舍而居名曰永平禪寺叢規一則太  
白建長五年八月二十八日告衆書得化壽  
五十四

贊曰阿元之二師者參遊之選也阿之契於  
冷泉元之稟於太白見其自大方而來不亦  
悅乎阿之迹不多見可惜而已然猶見取雷  
菴列於四燈不爲大息焉元之化播北地不

及中土不能無遺意矣

上野長樂  
開山也

釋榮朝粹密學從建仁西公稟宗門要旨居  
上野之長樂禪苑盛揚真化東方道俗趨化  
如歸寶治元年九月二十六日戌時滅于時  
寺內甚明徒衆相語曰昏夜之明豈有是等  
之煥赫乎采筆記事過干炸燭寺傍民家望  
寺以爲失火急奔入寺見朝之坐丈室而化  
壽福朗譽東福圓爾皆朝之徒也

釋法心過壯歲出家不知文墨聞衲子之稱

法心  
松島  
真列

宋地禪行駕商舶入臨安徑登徑山見佛鑑  
禪師鑒於圓相中書了字示之心止席下單  
提研究性堅硬耐禪坐骨髁腫爛而不撓者  
九年初持了相於萬物中現了字心不屑漸  
經歲序始得平穩歸朝居奧州松嶋臨終先  
七日謂徒曰某日當取滅然心無恙侍僧不  
信到期齋罷坐禪床侍僧乞遺偈心元不克  
書即唱曰來時明明去時明明是箇何物止  
而不言後向侍僧曰猶欠一句望足之心應

由良  
心智上人

聲喝一喝泊然而化

釋覺心姓常澄氏信州神林縣人母祈戶歲  
山佛求子一夕夢佛以燈手授覺有娠焉少  
小無塵累之操年十五投神官寺讀佛書十  
九薙染受具于東大寺乃上高野山染指於  
三密也因而謁金剛三昧院行勇於是乎志  
慕教外之旨易服親炙勇遷相之龜峯心主  
紀綱又稟金剛乘於三論道得菩薩戒於深  
草无遂入上都見勝林順順者入宋之望也

益深南詢之志建長之初泛舶蹈宋城直趨  
雙徑禮癡絕冲寓一單於廣衆簡堂外之步  
屨而機語不契乃事徧遊參荆叟于道場并  
應真于天台育王之寺大梅之塔浙東靈區  
足跡皆遍適值本邦同參源心者問曰我周  
旋諸老之間者久矣而以吾眼之不明也暗  
于知人焉雖吾之暗庶幾見人之明乎子已  
熟於地矣又不有聞邪對曰我之暗猶子之  
暗而我之聞寔不似子之聞也是子之所謂

熟者乎靈洞護國佛眼師我所熟聞也乃相  
將至護國佛眼問曰汝名什麼對曰覺心眼  
乃示以偈曰心即是佛佛即是心心佛如如  
亘古亘今又微詰數四即受印可寶祐二年  
春告別佛眼以月林語對御錄無門闕等付  
之又授偈曰心即是佛佛即心心佛元同亘  
古今覺悟古今心是佛不須向外別追尋又  
寫照贊曰用迷子訣飛紅爐雪一喝當鋒崖  
崩石裂化死蛇作活龍點黃金爲生鐵去縛

解粘抽釘拔楔更將佛祖不傳機此界作方  
俱漏伴心辭而出發干明著博愛乃建長六  
歲也隱高野之故居明年出世于金剛三昧  
院辦香供佛眼踰歲通嗣書慰答切至弘安  
四年文應上皇詔居城東勝林寺至化難逃  
勤老入都奏對愜旨聲振輦下然以帝里繁  
喧忤干禪宴不幾潛回紀之舊院永仁三年  
諸徒出衣資建壽塔于都城之西北扁庵曰  
歲寒乞心瞻遊心不得已又入天邑上皇優

禮迎請咨詢禪要心雖老奏對詳精上皇益  
欽歎緇素駢闐禮謁又願心之終焉此居心  
亦潛歸紀州初心自宋歸海風俄起波濤怒  
鼓一舩震懼心安坐不動忽月輪現檣上頃  
刻風波恬如也鷲峯元多妖魅有涉境者必  
遭惑亂心居于此屢見怪異心一一降攝或  
授戒法自爾魅事息心登熊野妙法山青天  
忽星祥雲下覆正應四年晴空大雷墜鷲峰  
之東嶂聲聞四十里諸徒恠至雷所有一顆

寶珠心乃埋珠鎮山門始心遊鷲峯樂其絕  
勝營構梵宇名曰西方寺棲此四十餘歲化  
被南紀詣熊野者取路隴峰必忘禮謁不則  
爲虛行西方之寺產業寡而往來數千指心  
以寺窶頗拒之或有贏糧而至縛茅樹下時  
時乞諮參者庚申歲佛眼以書寄法衣一頂  
七葉圖一鋪月林體道銘并賜對段錦誨語  
諄諄心又每舶便音問不缺一時寄水精數  
珠眼以偈報曰百八摩尼顯顯圓遼天鼻孔

一齊穿恒河沙數佛菩薩日日呼來跳一圈  
其同風可占也永仁六年四月十一日示微  
恙緇白省問相繼已而輕安十月十三日道  
俗酬酢如常入夜神色有異諸徒怪乞辭偈  
心笑曰我生平屏文墨今何特地乎徒曰師  
今歛儀端坐恐告終與對曰諾乃訖然而逝  
龕留八日氣負如生茶毗得五色設利壽九  
十二臘七十四分塔于都紀心嘗以趙州狗  
子話舉示學者或曰念起是病不續是藥或

建昌寺  
開山也

曰一切善惡都莫思量四來之扣請只舉單  
提之要於時指趙峯為禪窟救謚法燈禪師  
贊曰道不在夷復焉吾見朝心二師身居東  
鄙名塞寰宇善哉心之末後向子以一喝蔽  
四句其高妙之格所謂不經人道之者乎法  
燈荐承宸衷動迴舊隱吾謂三子者居夷  
德復者也矣

釋道隆宋國西蜀涪江人也姓舟氏年十三  
薙髮於成都大慈寺遊學講肆弃而理峽棹

入浙見範無準仲癡絕簡北礪諸大老皆無  
所契漸屆陽山依無明性禪師性室中舉東  
山牛過窓標語隆聞有省嘗聽東僧之盛稱  
國光及禪門之草昧宋第十四代理宗年常志游化遂以淳祐六  
年棄商舶著宰府本朝寬玩四年丙子也乃  
入都城寓泉涌寺之來迎院又杖錫赴相陽  
時了心踞龜谷山隆掛錫於席下副元帥平  
時賴聞隆之來化延居常樂寺軍務之暇命  
駕問道平帥乃啓巨臣福之基趾構大禪苑請

隆開山說法東關學徒奔騰佇聽一日示衆  
曰參學人日用中雖復踐這一片妙湛靈明  
田地然於其中不識祖翁者多若識得祖翁  
我且問你契券今在何處得契券之後此一  
片田地任汝操持今時人全身在裏許而不  
知裏許事者病在於何蓋不了目前便有許  
多萬緣萬境入汝眼內入汝耳中眼又不曾  
收視耳亦不能返聽未免只隨聲色所轉無  
自由分此乃非佗所障是汝自障自障者何

不會卻物只管逐他所以道却物爲上逐物  
爲下冬日示衆曰諸兄弟究此一段大事如  
三冬之內向寒爐中埋火一般常令煖氣不  
斷忽然通身上下徹骨冰寒開口不得時須  
假佗力雖然箇是引導之門在瀟洒袖僧分  
上須是向冷颼颼中搜討清淡淡處體究挨  
得路通著得眼活然後傲雪欺霜呵風詬兩  
揔不由別人收也在我放也非佗未到此田  
地須是自信自修自悟始得信者信佛祖有



無傳而傳之妙修者修自家欲達未達之場  
悟者悟現今迷頭認影之所此猶是大槩之  
辭若據實而說做工夫時各各陡頓精神莫  
隨境轉虛靈自照動靜返窮窮至無窮終有  
倒斷時節居十三年遷平安城之建仁都下  
緇素欽挹禪化逢開山千光忌上堂曰蜀地  
雲高扶桑水快前身後身一彩兩賽昔年今  
日死而不亡今日斯晨在而不在諸人還知  
落處麼良久曰香風吹落花更雨新好者自

此寺眾加畏愛焉寬元上皇聞隆道譽召見  
宮中隆奏一偈曰夙緣深厚到扶桑忝主精  
藍十五霜大國八宗今鼎盛建禪門廢仰賢  
王上皇嚮隆之護宗之志經三歲返建長福  
山寢室之後有池池側有松其樹條直一日  
斜偃向室眾僧怪之隆曰僊服之人居松上  
與我語我問住何處對曰山之左鶴崗也語  
已不見以其人之居故松偃耳諸徒曰鶴崗  
者八幡大神之祠所也恐神來此耳自此其

徒欄楯其樹名曰靈松徒屬中有流言者因  
此為甲州之行北地之胥吏氓黎幸隆之竄  
謫隆亦曰我為法跨海入此國只周旋皇畿  
俟服而已不遑誘導遠陬也偶罹干讒誣而  
俾干羯獠是我弘道之素也天龍豈有意於  
此乎甲之居猶洛之數又還相主龜谷山六  
群之徒謗叻未合再成甲行又還壽福弘安  
元年孟夏歸于福山秋七月示微疾至二十  
四日書偈辭眾而寂闍維得五色舍利其煙

觸樹葉纍然皆綴舍利門人自遠方至者歷  
數十日到萃所搜索林木多得舍利隆有所  
持鏡後其徒收之或夢其鏡留隆儀負告  
徒乞見髮鬚以觀自在像諸徒傳看異之平  
帥聞之請入府疑其晻曖令工磨治其鏡初  
幽隱經一磨鮮明嚴好大悲之相皆悉備足  
平帥悔謝作禮後寧一山為記今在庵阜府  
奏乞謚賜大覺禪師本朝禪師之號始干隆  
也

贊曰儉約翁應詔于龍山予舊好往來無  
間一日問曰大覺之行有狀乎翁曰吾師之  
道徧天下人人之口處處之碑奚用區區之  
狀乎予曰不然物之磨物也無若歲月金石  
之堅久或消泐翁之所謂口碑者猶其幾而  
已縣時邈歲口碑亦磨吾恐盛業大德之晚  
進者或不耳也予之步履於福高薰炙翁之  
仲季也猶有未委之處乎翁曰子之好古也  
尚有之矣況作人乎余之前言過也作日誌

歲時令侍僧送予之編修焉

○釋普寧號元菴宋國西蜀人也幼年祝髮負  
笈於唯識之講肆歷數歲捨去出峽而南詢  
遍歷諸老到建康之蔣山值癡絕冲上堂冲  
舉覆船僧到雪峯之話寧聞之忽然認得本  
來面目尋登四明之阿育王山住持無準範  
陶鑄四來寧又遇上堂側聞準舉僧問古德  
深山巖崖還有佛法也無德云有如何是深  
山崑崖佛法德云石頭大底大小底小寧言

下如夢覺爾後每逢入室捷機無礙準被旨  
上徑山寧侍徃一日準語曰昔演祖請益白  
雲端和尚端云近有數僧自廬山來教他說  
禪也說得下語也得批判也得祖云和尚如  
何端云我向伊道直是未在祖聽此語七日  
忘食味方諭厥旨寧聞已無言可對只向未  
在處做工夫自是入室也不下語有時準把  
住曰尋常口勞舌沸如何不下語打一竹篋  
寧當下打破漆桶禮拜已退徐通所悟準曰

汝徹也只是得道易守道難須默默守之又  
又自然感驗也自是如癡似兀而度自準書  
不菴二太字遺之因以爲舞焉寧欲以啓蒙  
於癡絕歸省於蔣山準書法語爲介昔紹興  
中應菴華路鍾阜大慧果據雙徑天下指二  
老以爲二甘露門端嘉之門二師道譽相配  
居處偶同江湖以甘露之稱呼二老之門寧  
徃來徑鍾之間飲見厭聞從茲聲名籍甚靈  
隱天童皆居第一座適象山靈巖虛席諸山

公舉府帖僮來軍不得辭嗣香供佛鑑鑒寄  
法衣信書慰諭切當次遷常州無錫兩所住  
持不失家法其在象山逢結夏示衆曰諸方  
安居結制靈巖結制安居雖是一般規矩於  
中大有差殊作麼生趙州東壁掛葫蘆在無  
錫徑山偃溪訪及軍搥鼓上堂曰東澗水清  
且此源遠流長波騰鼎沸從這裏入不知其  
幾是則是只如國一禪師經過梁溪暮將泗  
洲大聖鼻孔一捏直得無處出氣為復歷良

橫或作橫

為賤為復神通遊戲云君子可八寧提唱  
斬絕諸方稱之時宋地北虜橫放雖寺院輒  
受虐偶本朝道舊講五峯之法義屢附商舶  
時時聘招景定二年庚申泛滄海順帆不艱  
速達博多寓聖福寺即文應元年也尋至帝  
都東福聖一迎接掃客位延之待遇甚渥京  
師緇素奔波瞻仰副元帥平時賴聞寧道價  
迂歸相陽寓止巨福山住持蘭溪隆者寧之  
蔣山舊友也相見喜慰勞問副帥信嚮日煽

漸命令正位於座。寧進十五偈力辭。副帥益堅不得已。即真禪規整濟甯。令積寮東方叢社。指爲法窟。副帥軍勢之暇。常入山問道。不幾。契悟。寧以偈印曰。老僧初到。與三拳埋恨胸中。結此冤痛。恨忽消開。正眼方知。吾不妄宣傳。經歲學徒。益盛海衆之中。黨法義者。以違境。撼之。寧急率不羈勇。退鳴鼓告衆曰。無心遊此國。有心復宋國。有心無心中。通天路頭。活舉杖云。拄杖頭邊。挑日月。合國勸留。

堅執不允。寧初赴本朝。海龍現檣上。捧七大寶珠。舉衆仰視。嘆未曾有。寧未來朝之前二年。平副帥。夢一僧。慈相嚴順。教曰。公勤參禪。覺後繪所夢像。供養。及見寧與夢像無少差。是以敬嚮無比。逮退歸。其子時宗領副帥。差部從。送到西府。文永二年也。風帆無恙。達明州。無何。省劄主務之雙林。兵艱之餘。院宇毀頓。厨庫索然。寧分衛。賑衆。不又捨去。漫游江浙。晚住温州江心龍翔寺。至元十三年十一月。

月二十四日寂有嗣法大夢和尚法孫遍闕  
楚寧為侍讀提史端明尤煇所知木石先生  
者也煇晚宋名儒觀大慧語脫然契證故與  
我門諸師語意冥符宋季諸老語錄多所題  
跋書寧之語尾曰叢林傑出正續真傳云  
贊曰元菴周旋徑蔣之間解悟真正抱此偉  
器遊化上邦我國俗渴聞甘露者久矣仰密  
雲希沛注者不鮮矣故副元帥平公軍國公  
務之劇早饑飲而取足而已然遇六群之猖

獶作一錫之返飛雖斯方之不幸又彼真率  
之所為也昔曇摩出東迦夜歸西竺乾之良  
匠猶不能無維桑之思當困阨憶家鄉又人  
情之常乎嗚呼佛果住雲居猶有圓悟高菴  
之黨焉況澆季乎而夷險共容不涉于懷者  
至人之量也庵也曷易動乎哉

釋了然號月峯京兆人也始仕進為大學博  
士有名于黌序俄拋冠幘接心真乘適聞木  
覺道譽肩錫東往謁于福山親炙者久覺稱

淨州寺  
極寧寺也

其純精命以板首正嘉之元住相之極樂寺  
今改淨妙上堂曰在耳曰聞在眼曰見一點靈光  
萬化千變靜則月印寒潭動則波生水而佛  
性與精魂不隔一條線諸人還鼎省麼從來  
濁富不若清貧解夏曰九旬法制已圓成借  
問寒山作麼生皎潔直饒同滿月更須撒手  
暗中行臘八值雪曰今朝臘八好時節不見  
明星惟見雪露地白牛在目前象王行處狐  
蹤絕說迷說悟孰區分且喜來年蚕麥熟這

南禪寺  
開山也

裏有欠猶未惺釋迦老子若為說臨終偈曰  
七十一年夜夢紛然一旦覺來有何事水在  
澄潭月在天有携其語入宋地者南屏衍石  
帆乳竇曇希叟著語稱讚云  
釋普門玄悟房 國師 院号 毫岑信州人始游講席後至慧日  
機語投契又踰海依附淨慈倫斷橋歸朝居  
北土弘安四年照東山退慧峯藤丞相招開  
補席嗣香供聖一正應之間文應上皇在龍  
山之離宮宮恠荐作嬪妃遭魅惑年少冠纓



或亦厲之朝議紛紛或曰此地妖怪自舌而有非佛居不可時南京睿尊有戒行譽救棲宮闈尊率二十沙門晝夜誦密咒而妖怪不正專辭而避之或白門德望召對下宮宣以宮怪又曰師能居之乎門奏曰妖不勝德世書尚有之況釋氏乎釋子之居何怪之有上皇壯其言門乃挈衲子而居只禪坐而已又孔淡矣然妖怪沮上皇自是傾心宗門救爲開山祖便禮門受伽梨鉢多四年冬門病東

福上皇入寺問疾門老病八十諸醫皆言者回不作上皇私念宮怪銷伏或恐禪家之通効也不必獨門之有也我見寂迹定門之德業兼探心宗之云爲耳以故日夕幸寢室綺紈與壤衲相交十二月十二日書偈安祥而坐化上皇益固心禪門賜謚佛心禪師

釋德儉相列人也始其母棄鑪倉縣之路傍或叔育福山之側稍長與群兒入寺虞游木覺見之器許乃就家乞之納爲弟子自此倫

輦推重又入宋地周游吳越一時名宿多所  
親附歸來省覺益增智證永仁三年府帖領  
本郡長勝寺乳香報干覺也次移東勝淨妙  
禪興建仁建長文保元年南禪寧一山寂建  
治上皇勅元帥府召儉二年冬來董山務上  
皇渥禮遇其數利提唱學者傳誦據室曰正  
令全提佛祖斫額抑下威光有禮有樂正且  
上堂曰昨日萬物咸舊今朝萬物咸新細看  
迎新送舊元來無疏無親拈起主木上座莫

有墮新舊遷變去也無下卓一千古黑黧皴萬  
年一般春上堂曰向上一路千聖不傳誰家  
竈裏無煙向上一路千聖不然脚下地頭上  
天無孔鐵錐當面擲元來不直半文錢擲拂  
下座元應二年五月十九日書偈辭衆化年  
七十六病中賜號佛燈國師  
贊曰建長正嘉之間此方禪語未醇矣月峯  
於是時提唱可見蓋有德者必有言之謂乎  
無閑也枯禪自如在子官怪自沮ヤム奏對之言信在子

哉約翁者其大覺之遺愛乎

元亨釋書卷第六



慶長十七年<sup>壬午</sup>後孟冬念二日莫夜於灯下寫之

洛陽寂光教寺註量坊元長見

四九

